



## UN VISITA GUIDATE PER GPS

**Le narrator:** *Le tres amicos Anna, Petro e Paulo ha locate un auto e se prepara ora pro ir e visitar varie locos interessante durante lor vacantias.*

**Paulo:** OK, io es preste – e il ha bon spatio ci al retro, mesmo si io ha longe gambas.

**Petro:** Io non es ancora preste. Io vole adjustar le sede un poco. Illo debe esser abassate un poco, alteremente mi capite tocca le tecto, si nos passa un reductor de velocitate.

**GPS:** POST 75 METROS, TORNA A DEXTERE E REMANE IN LE VIA DEXTERE...

**Anna:** STOP! Ubi abassa on le sono de iste damnate machina?!?

**Paulo:** Essaya premer le schermo in le sinistre angulo inferior. Isto functiona in mi GPS.

**GPS:** POIS TORNA A DEXTERE POST cento metros...

**Anna:** Successo! Guai, proque es tal aparatos sempre ponite al nivello maxime? On ha nervos superexcitate de isto.

**Petro:** Ora io es preste a conducir. Ha tu inserite le adresse, Anna?

**Anna:** No, io ha luctate con le GPS, como tu non ha potite evitar audir. A ubi vadera nos?

**Paulo:** Un momento, io lo notava in mi papiros que es in mi sacco a dorso ci. Ah, ecce illo, Anna, vide al pede del pagina ci.

**Anna:** Gratias, io lo insere. Primo le citate...

**Petro:** Nos va comenciar. Tu pote laborar con le GPS, durante que nos va. Io sape que nos debe comenciar in iste direction.

**GPS:** Va a sinistre, e seque allora le via verso dextere...

**Anna:** Attende, attende! Io non ha finite scriber le adresse.

**GPS:** ... post ancora 200 metros.



**Anna:** Argh, como isto es irritante. Tace, machina!

**Paulo:** Non sia excitate, Anna. Quando primo le GPS ha le adresse, nos pote reposar e esser guidate a nostre destination, durante que nos gaude del tour e del cosas que nos passa.

**GPS:** Recalcula le route... Continua directe pro ancora 700 metros, remane in le via dextere.

**Anna:** Ora illo functiona.

**Petro:** Excellente, allora nos pote reposar.

**Paulo:** Ma non troppo, memora que tu es le conductor, gratias!

**Petro:** Naturalmente – ma le capitano del viage es iste parve machina nigre.

**Anna:** Il esseva bon que nos poteva locar iste auto, e il me surprندهva que illo non esseva plus costose. Si nos haberea debite prender le...

**GPS:** Prende le secunde exito a dextere.

**Anna:** Io dice: Si nos haberea debite prender le autobus al destination, il habeva durate...

**GPS:** Torna a dextere e continua directe.

**Anna:** ... il habeva durate al minus duo horas. Ora nos pote conducir usque le entrata.

**Petro:** Si, isto es agradabile, e de facto io pensa que le traffico non es si intense iste matino. Ma isto es probabilemente, proque nos non como omne le alteres va al

centro ma vehicula foras le citate.

**Paulo:** Reguarda le montanias a dextere in le horizonte. Ha il vermente nive sur le picco?

**Anna:** Isto es impossibile. Nos ha forsan 30 grados ci al terra, e iste montanias non es *si* alte que il ha nive eterne.

**Petro:** Io crede que es le radios del sol que face le piccos scintillar – ma illo es un vista bellissime. Quanto longe debe nos conducir, Anna?

**Anna:** Un momento, io reguarda le GPS. Hm, secundo illo nos essera al destination post 40 kilometros o circa tres quartos de un hora.

**Paulo:** Allora nos arrivara al museo justo ante que illo aperi, e si nos es felice, nos pote assi evitar un cauda.

**Anna:** Isto esserea agradabile, proque allora nos pote continuar al village idyllic in le vicinitate e mangiar nostre lunch presso le parve laco.

**Petro:** Un eccellente idea, e nos facilmente pote ir directemente al laco, quando nos ha un auto ... e un GPS...!

**Anna:** Si, ora quando illo ha essite ben programmate, nos es in bon manos. Un mappa electronic *es* un bon cosa.


**GPS:** Continua directe pro le destination...

## UN MAPPA – E COMO TROVAR LE VIA

Ecce un mappa del centro de Paris. Ubi es le circulo rubie con le flecha nigre, tu incontra un senior, qui demanda le via al cathedral Notre Dame (le photo). Explica como ir a pede al attraction.

Ubi es le circulo orange/jalne, veni un seniora, qui debe anque esser monstrate le via a Notre Dame. Explica a illa como ir a pede al cathedral.

**Phrases utile:** *transversar le ponte | tornar a dextere/sinistre | vader directe | prende le proxime strata | vader a dextere/sinistre | vader al longe de | seque le strata ...*





## UN VISITA GUIDATE CON GPS

① Ha tu usate un GPS? Functionava illo ben, o habeva tu simile problemas in le initio como nostre tres amicos?

② Associa cata parola con un expression o un synonymo.

- |     |                          |             |    |  |
|-----|--------------------------|-------------|----|--|
| 1.  | <input type="checkbox"/> | evitar      | A. | le linea visual distante ubi le terra incontra le celo |
| 2.  | <input type="checkbox"/> | abassar     | B. | lucer fortemente como radios del sol                   |
| 3.  | <input type="checkbox"/> | dextere     | C. | facer minus alte                                       |
| 4.  | <input type="checkbox"/> | destination | D. | un quadro sur le qual es monstrate un imagine digital  |
| 5.  | <input type="checkbox"/> | nive eterne | E. | le strata que duce via del strata, ubi on conduce      |
| 6.  | <input type="checkbox"/> | horizonte   | F. | essayar non facer o non incontrar                      |
| 7.  | <input type="checkbox"/> | exito       | G. | le direction opposite de sinistre                      |
| 8.  | <input type="checkbox"/> | recalcular  | H. | le loco, al qual on desira arrivar                     |
| 9.  | <input type="checkbox"/> | schermo     | I. | analysar de novo pro presentar in un altere maniera    |
| 10. | <input type="checkbox"/> | scintillar  | J. | massa gelate que remane pro tote le anno               |

③ Placia le phrases in le ordine correcte del historia – assi le litteras final anque es in ordine e forma un parola que es le solution.

- |  |          |
|--|----------|
| Anna es sorprendite que il non es plus costose locar un auto.        | <b>E</b> |
| Il sembla que on arrivara al museo ante le apertura.                 | <b>T</b> |
| Paulo cerca in su sacco a dorso pro trovar su notas.                 | <b>M</b> |
| Petro ajusta le sede del conductor un poco.                          | <b>M</b> |
| Anna vole abassar le sono del GPS.                                   | <b>O</b> |
| Le lunch debe esser mangiate in un village idyllic in le vicinitate. | <b>O</b> |
| Paulo observa nive sur le piccos del montanias.                      | <b>N</b> |

Solution: \_ \_ \_ \_ \_

④ Marca con un **X** le option correcte.

- Como on dice “numero duo”?
  - secunda
  - secunde
  - secundo
- Que face le piccos del montanias scintillar?
  - le nive eterne
  - le radios del sol
  - un enorme lampa

⑤ Responde al question.

- Proque sembla le traffico non esser si intense pro nostre tres amicos?

---



---

Responsas: 2. 1F 2C 3G 4H 5J 6A 7E 8I 9D 10B. 3. Solution: MOMENTO.  
4. 1B. 5. Proque omne diferentes va di centro, e illes vehicula foras le citate